



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Prot.n.5/EM

**ORDINÀNTZIA N.8 DE SU 15 DE MARTZU DE SU 2021**

**Ogetu:** **Ulteriores mesuras istraordinàrias urgentes de cuntrastu e preventzione de s'isparghidura epidemiològica dae COVID-19 in su territòriu regionale de sa Sardigna. Ordinàntzia in cunforma a s'art.32, comma 3, de sa lege de su 23 de nadale de su 1978, n.833 in matèria de igiene e sanidade pùblica.**

**SU PRESIDENTE**

- BIDU s'art.32 de sa Costituzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale de su 7 de ghennàrgiu de su 1977, n.1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege de su 23 de nadale de su 1978, n.833 "*Istituzione de su servitziu sanitàriu natzionale*" e in particolare s'art.32 chi disponet "*su Ministru de sa sanidade podet emìtere ordinàntzias de caràtere contingibile e urgente, in matèria de igiene e sanidade pùblica e de politzia veterinària, cun eficàtzia istèrrida a totu su territòriu natzionale o a parte de issu chi cumprendet prus regiones*", e puru "*in sas matessis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia istèrrida a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDA sa declaratzione de s'Organizatzione mundiale de sa sanidade de su 30 de ghennàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevàntzia internatzionale;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- BIDA sa delibera de su Consìgiu de sos Ministros de su 31 de ghennàrgiu de su 2020 cun sa cale est istadu declaradu s'istadu de emergèntzia in su territòriu natzionale relativu a s'arriscu sanitàriu connessu a s'isvilupu de patologias chi derivant dae agentes virales trasmissibiles, finas a su 31 de triulas de su 2020, prorogadu a su 15 de santugaine de su 2020, a su 31 de ghennàrgiu de su 2021 e, in fines, a su 30 de abriale de su 2021;
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relatzione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissibiles*";
- BIDU su decretu-lege de su 23 de freàrgiu de su 2020, n.6 chi cuntenit "*Mesuras urgentes in matèria de cuntenimentu e gestione de s'emergèntzia epidemiològica dae COVID-19*", mudadu, cun modificatziones, in sa lege de su 5 de martzu de su 2020, n.13, a pustis abrogadu dae su decretu-lege n.19 de su 2020 a etzetzione de s'art.3, comma 6-bis, e de s'art.4;
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat su Presidente de sa Regione Sardigna, sugetu atuadore de sos *interventos segundu su OCDPC 630/2020*;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege de su 17 de martzu de su 2020, n.18, chi cuntenit "*Mesuras de afortigadura de su servitziu sanitàriu natzionale e de sustennu econòmicu pro familias, traballadores e impresas connessas a s'emergèntzia epidemiològica dae COVID-19*"; mudadu, cun modificas, cun sa lege de su 24 de abriale de su 2020, n.27;
- BIDU su decretu lege de su 25 de martzu de su 2020, n.19, chi cuntenit "*Mesuras urgentes pro fàghere fronte a s'emergèntzia epidemiològica dae COVID-19*", mudadu, cun modificas, dae sa lege de su 22 de maju de su 2020, n.35 e a manera ulteriore modificadu dae su D.L. n.83/2020, in particolare sos articulos 1 e 2, comma 1;
- BIDU su decretu lege de su 16 de maju de su 2020, n.33 chi cuntenit "*Ulteriores mesuras urgentes pro fàghere fronte a s'emergèntzia epidemiològica dae COVID-19*" e publicadu in sa Gazzetta Ufficiale n.125 de su 16 de maju de su 2020, mudadu, cun modificas, cun sa lege de su 14 de triulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege de su 19 de maju de su 2020, n.34 "*Mesuras urgentes in matèria de salute, sustennu a su traballu e a s'economia, e puru de politics*



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

*sotziales connessas a s'isvilupu de s'emergèntzia epidemiològica dae COVID-19*", mudadu, cun modificas, cun sa lege de su 17 de trìulas de su 2020, n.77;

- BIDOS                    sos decretos de su Presidente de su Consìgiu de s'11 de làmpadas de su 2020, de su 14 de trìulas de su 2020 e de su 7 de austu e sos allegados relativos;
- BIDAS                    sas ordinàntzias de su Ministru de sa Salute de su 30 de làmpadas de su 2020, de su 9 de trìulas de su 2020, de su 16 de trìulas de su 2020, de su 24 de trìulas de su 2020, de su 30 de trìulas de su 2020, de su 1 de austu de su 2020, de su 12 de austu de su 2020 e de su 16 de austu de su 2020;
- BIDU                    su decretu lege de su 30 de trìulas de su 2020, n.83 "*Mesuras urgentes connessas cun s'iscadèntzia de sa declaratzione de emergèntzia epidemiològica dae COVID-19 deliberada su 31 de ghennàrgiu de su 2020*";
- BIDU                    su decretu lege de su 14 de austu de su 2020, n.104 "*Mesuras urgentes pro su sustennu e su rilàntziu de s'economia*";
- BIDU                    su decretu de su Presidente de su Consìgiu de sos Ministros de su 7 de cabudanni de su 2020 e allegados relativos;
- BIDU                    su decretu-lege de su 7 de santugaine de su 2020, n.125, chi cuntenit "*Mesuras urgentes connessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighida operativa de su sistema de allerta COVID, e puru pro s'atuatzione de sa direttiva (UE) 2020/739 de su 3 de làmpadas de su 2020*", mudadu cun modificatziones dae sa Lege de su 27 de santandria de su 2020, n.159;
- BIDU                    su decretu-lege de su 28 de santugaine de su 2020, n.137, chi cuntenit: "*Ulteriores mesuras urgentes in matèria de tutela de sa salute, sustennu a sos traballadores e a sas impresas, giustitzia e siguresa, connessas a s'emergèntzia epidemiològica dae Covid-19*", mudadu cun modificatziones dae sa Lege de su 18 de nadale de su 2020, n.176;
- BIDU                    su decretu-lege de su 18 de nadale de su 2020, n.172, chi cuntenit: "*Ulteriores dispositziones urgentes pro fàghere fronte a sos arriscos sanitàrios connessos a s'isparghidura de su virus COVID-19*", mudadu cun modificatziones dae sa Lege de su 29 de ghennàrgiu de su 2021, n.6;
- BIDU                    su decretu-lege de su 5 de ghennàrgiu de su 2021, n.1, chi cuntenit: "*Ulteriores dispositziones urgentes in matèria de cuntenimentu e gestione de s'emergèntzia epidemiològica dae COVID- 19*";
- BIDU                    su decretu-lege de su 14 de ghennàrgiu de su 2021, n.2, chi cuntenit: "*Ulteriores dispositziones urgentes in matèria de cuntenimentu e preventzione de s'emergèntzia epidemiològica dae COVID-19 e de acumprimentu de sas eletziones pro s'annu 2021*";
- BIDU                    su decretu-lege de su 12 de freàrgiu de su 2021, n.12, chi cuntenit: "*Ulteriores dispositziones urgentes in matèria de cuntenimentu de s'emergèntzia*



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

*epidemiologica dae COVID-19”;*

- BIDU su decretu-lege de su 23 de freàrgiu de su 2021 n.15, chi cuntenit: *“Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiologica dae COVID-19.”;*
- BIDU su decretu-lege de su 13 de martzu de su 2021, n. 30 chi cuntenit *“Mesuras urgentes pro fàghere fronte a s'isparghidura de su COVID-19 e interventos de sustennu pro traballadores cun figios menores in didàtica a distàntzia o in barantena”;*
- BIDU su documentu chi cuntenit “Preventzione e risposta a COVID-19: evoluzione de s'istrategia e pianificatzione in sa fase de transizione pro su perìodu atòngiu-ijerrale” predispostu dae su Ministèriu de sa Salute, dae s'Istitutu Superiore de Sanidade, dae su Coordinamentu de sas Regiones e Provìntzias Autònomas chi frunit elementos generales pro afortiare sa *preparedness* pro fàghere fronte a sas infetziones in s'istajone atòngiu-ijerru de su 2020-2021 (prot. n.7474 de su 12 de santugaine de su 2020 Cunferèntzia de sas Regiones e de sas Provìntzias autònomas);
- BIDU su decretu de su Presidente de su Consighiu de sos Ministros de su 2 de martzu de su 2021, chi cuntenit: *“Ulteriores dispositziones atuativas de su decretu-lege de su 25 de martzu de su 2020, n.19”, mudadu, cun modificatziones, dae sa lege de su 22 de maju de su 2020, n.35, chi cuntenit “Mesuras urgentes pro fàghere fronte a s'emergèntzia epidemiologica dae COVID-19”, de su decretu-lege de su 16 de maju de su 2020, n.33, mudadu, cun modificatziones, dae sa lege de su 14 de triulas de su 2020, n.74, chi cuntenit “Ulteriores mesuras urgentes pro fàghere fronte a s'emergèntzia epidemiologica dae COVID-19”, e de su decretu-lege de su 23 de freàrgiu de su 2021, n.15, chi cuntenit “Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiologica dae COVID-19”;*
- TORRADAS A CRAMARE sas Ordinàntzias pretzedentes pròpias emitidas in cunforma a s'articulu 32, de sa lege de su 23 de nadale de su 1978, n.833 in tema de mesuras pro sa gestione de s'emergèntzia sanitària ligada a s'isparghidura de sa s'indrome dae COVID-19;
- APRETZIADU de integrare e pretzisare sas dispositziones cuntènnidas in s'ordinàntzia pròpia n. 4 de su 28 de freàrgiu de su 2021, in acollida de su DPCM de su 2 de martzu de su 2021;
- CUNSIDERADU s'isvilupu de sa situatzione epidemiologica, su caràtere isparghidore de s'epidemia a manera particolare e sa crèschida de sos casos in su territòriu natzionale;
- BIDA sa tzirculare de su Ministèriu de sa Salute n.3787 de su 31 de ghenàrgiu de su 2021, chi at comente ogetu: *“Aggiornamentu subra de s'isparghidura a livellu globale de sas variantes noas SARSCoV-2, valutatzione de s'arriscu e mesuras*



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

*de controllu*”;

- BIDA s'ordinàntzia de su Ministru de sa Salude in data 27 de freàrgiu de su 2021, e in particolare s'art.1, pro su cale “in cunforma a s'articulu 1, commas 16 sexies e 16 septies de su decretu lege de su 16 de maju de su 2020, n.33, a decurrere dae su 1<sup>a</sup> de martzu de su 2021 a sa Regione Sardigna si àplicant sas mesuras segundu sa g.n. “zona bianca”, comente determinadas dae su decretu de su Presidente de su Consighiu de sos Ministros de su 14 de ghennàrgiu de su 2021 e decretos imbenientes adotados in cunforma a s'art.2, comma 1, de su decretu lege de su 25 de martzu de su 2020, n.19”;
- CUNSIDERADU chi segundu s'ordinàntzia tzitada “pro compidare sos efetos de su rilàsciu de sas mesuras anticontàgiu in sa Regione Sardigna, est istituidu unu tàulu tènicu istituzionale cumpostu dae sos rapresentantes de su Ministèriu de sa Salude, de s'Istituto Superiore de sa Sanidade e de sa Regione Sardigna”;
- CUNSIDERADU chi, mancari sas mesuras finas a como adotadas epant perìtidu unu controllu eficatze de s'infetzione, s'esàmene de sos datos epidemiològicos dimustrat chi sighit a livellu natzionale una trasmissione difusa de su virus e pro cussu devet èssere leada ogni misura de preventzione e controllu netzessària;
- CUNSIDERADU chi sa Regione Autònoma de sa Sardigna, pro cuntènnere sa tzirculazione de su virus, at aviadu su screening de massa in su matessi tempus a sa campagna vatzinale;
- APRETZIADU de dèvere adotare ogni misura ùtile pro evitare chi s'acumprimentu de sa campagna vatzinale e de screening potzant èssere dannizadas dae sa crèschida eventuale de sos contàgios;
- APRETZIADU pro cussu, oportunu definire mesuras ispetzificas de restrizione pro sas 20 dies imbenientes durante sas cales s'at a protzèdere a sa compidada costante de s'evoluzione epidemiològica, avalende.si de sas risoluciones chi ant a èssere adotadas dae su tàulu tènicu istituzionale cumpostu dae sos rapresentantes de su Ministèriu de sa Salude, de s'Istituto Superiore de sanidade e de sa Regione Autònoma de sa Sardigna;
- APRETZIADU de dèvere torrare a cumprèndere tra sas atividades subordinadas a s'intesa cun su tàulu tènicu istituzionale subra indicadu puru sas ulteriores atividades sighentes: piscinas, museos e logos de sa cultura in sas dies de sàbadu e dominiga, in resone de s'andamentu de sos indicadores epidemiològicos valutados a pustis de sa classificatzione de sa Regione Sardigna in zona bianca;
- APRETZIADU chi sas situatziones finas a como espostas integrent sas cunditzone de etzetzionalidade e netzessidade de tutela de sa salute pùblica urgente, indirizadas a cuntrastare e cuntènnere s'isparghidura de su virus;
- CUNSIDERADU chi sas dimensiones subranatzionales de su fenòmenu epidèmicu e s'interessamentu de prus àmbitos in su territòriu natzionale faghent netzessàrias mesuras indirizadas a garantire s'atuatzione de sos programmas



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

de profilassi elaborados in sede internatzionale e europea, graduende sas mesuras segundu s'ispetzifitzidade de su cuntestu territoriale interessadu, cunforma a sos printzípios de sensu, proportzionalidade e adeguatesa a s'arriscu presente de a beru in su territòriu regionale;

CUNSIDERADU chi s'art.57, comma 4 de su DPCM de su 2 de martzu de su 2021, istabilit chi "sas dispositziones de su decretu presente si àplicant a sas Regiones a istatutu ispetziale e a sas Provintzias autònomas de Trento e de Bolzano a manera cumpatibile cun sos Istatutos rispetivos e sas normas relativas de atuatzione";

DADU ATU de sas potestades primàrgias atribuidas a sa cumpetèntzia regionale dae sa Lege Costituzionale de su 26 de freàrgiu de su 1948, n.3;

ATESU chi faghet parte de sas cumpetèntzias primàrgias de sa Regione Autònoma de sa Sardigna riferidas a sas matèrias torradas a pònnera a sa podestade legislativa e amministrativa pròpia e, pro issa, tochet a su Presidente de sa Regione Autònoma de sa Sardigna, puru in calidade de Autoridade Sanitària Regionale, valutare e apretziare sos interventos netzessàrios pro sa tutela de sa salute pùblica;

TORRADU A CRAMARE s'articulu 2, comma 1, litera a), de su decretu lege de su 7 de santugaine de su 2020, n.125, mudadu cun modificatziones dae sa lege 27 de santandria de su 2020, n.159, segundu su cale "*pro garantire s'acumprimentu in cunditziones de siguresa de sas atividades econòmicas, produtivas e sotziales, sas regiones còmpidant cun cadèntzia fitiana s'andamentu de sa situatzione epidemiològica in sos territòrios pròpios e, in relatzione a tale andamentu, sas cunditziones de adeguatesa de su sistema sanitàriu regionale. Sa Regione, informende in su matessi tempus su Ministru de sa Salute, podet introduire mesuras derogatòrias restritivas cunforma a cussas disposas in cunforma a s'articulu 2 matessi, ossiat, ebbia in sos casos e in su rispetu de sos critèrios prevididos dae sos decretos tzitados e de intesa cun su Ministru de sa Salute, puru ampliativas*";

BIDU chi subra de sa base de sos datos frunidos in data 15 de martzu de su 2021 dae s'Unidade de Crisi Regionale sa situatzione de su contàgiu dae SARS – CoV-2, registrat 176 ricoverados in ispidales in degèntzias de s'àrea mèiga, in prus a 27 ricòveros in terapia intensiva subra de una disponibilidade attuale de 208 postos letu de terapia intensiva (+35 ativàbiles in 24- 48h);

CUNSIDERADA sa netzessidade de mantènnere s'òbligu in totu su territòriu regionale de pònnera pro tota sa die (H 24) protetziones de sas bias respiratòrias (mascareddas) puru in totu sos logos a s'ària libera in cue non siat possibile garantire de s'ghidu su mantenimentu de sa distàntzia de siguresa de a su nessi 1 metru;

APRETZIADU de adeguare a sas ulteriores cunditziones epidemiològicas locales mudadas, sas mesuras istraordinàrias a tutela de sa salute de sos tzitadinos sardos pro sa preventzione e su cuntenimentu de s'isparghidura in su territòriu de sa



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Regione Sardigna de su COVID-19, in cunforma a s'art.32 de sa lege de su 23 de nadale de su 1978, n.833 in matèria de igiene e sanidade;

APRETZIADU

de adeguare a sas ulteriores cunditziones epidemiològicas locales mudadas, sas mesuras istraordinàrias a tutela de sa salute de sos tzitadinos sardos pro sa preventzione e su cuntenimentu de s'isparghidura in su territòriu de sa Regione Sardigna de su COVID-19, in cunforma a s'art.32 de sa lege de su 23 de nadale de su 1978, n.833 in matèria de igiene e sanidade;

### ÒRDINAT

ART.1)

Mancari sa proibidura de ammuntonamentu, e puru su respetu de su distantziamentu personale e de sa limitatzione, cunforma a sas linias ghia pro su torrare a abèrrere sas atividades econòmicas e produtivas a su presente in vigore, cun possibilidade de nde modulare s'esertitziu in crèschida ossiàt in diminutzione, segundu s'andamentu epidemiològicu de sa pandemia, est cunsentida in totu su territòriu regionale – francu pro sas zonas proibidas a manera puntuale cun ordinàntzias de sindigu, a pustis de sa declaratzione de arriscu de isparghidura virale – su torrare a abèrrere sas atividaes sighentes:

- a) Ristoratzione, cun abertura de sos esertitzios finas a sas oras 23.00;
- b) Bar, pub, tzìrculos privados, cafeterias e assimigiàbiles, cun abertura de sos esertitzios finas a sas oras 21.00;

In relatzione a s'andamentu de sos indicadores epidemiològicos valutados a pustis de tales aberturas, cun ordinàntzias ispetzìficas imbenientes – de intesa cun su tàulu tècnicu istituzionale cumpostu dae sos rapresentantes de su Ministèriu de sa Salute, de s'Istituto Superiore de sa Sanidade e de sa Regione Sardigna – ant a pòdere èssere torra abertas, cun sas prescritziones netzessàrias, sas atividades sighentes:

- Palestras, iscolas de dantza (sena cuntatu), piscinas;
- Tzentros cummertziales in sas dies de sàbadu e dominiga;
- Museos e logos de sa cultura in sas dies de sàbadu e dominiga.

ART.2)

Francu provvedimentius prus restritivos adotados dae sas Autoridades Sanitàrias locales in su territòriu de cumpetèntzia, est proibidu de tzirculare e/o firmare a in foras de sa residèntzia pròpia e/o domitziliu dae sas oras 23.30 de ogni die finas a sas oras 5.00 de su ritiru imbeniente.

ART.3)

Est fatu òbligu de impreare, in totu su territòriu regionale e pro tota sa die (H24), protetziones de sas bias respiratòrias puru a s'ària libera, in sos tretos de pertinèntzia de sos logos e locales abertos a su pùblicu, e puru in sos tretos



REGIONE AUTONOMA DE SARDIGNA  
REGIONE AUTONOMA DELLA SARDEGNA

SU PRESIDENTE

pùblicos in ue, pro sas características físicas, siat prus fàtzile su de si formare muntones de gente puru de natura ispontànea e/o ocasionala. Non sunt suetos a s'òbligu sos pitzinnos chi no ant cumpridu sos 6 annos, e puru sos suetos cun formas de disabilitade.

Est proibida cale si siat forma de muntones de gente, cun riferimentu ispetziale a su de si firmare a curtzu a sos tretos antales a sos istitutos iscolàsticos de ogni òrdine e gradu, sas pratzas, sas carreras pùblicas, sa carrera serente su mare e sas bellavistas, in sos cales si devet semper e cando mantènnere unu distanziamentu intrepersonale de a su nessi unu metru.

- ART.4) Francu s'adotzione de ulteriores provvedimenti in cunsighèntzia de sa rilevazione de sos datos epidemiològicos de sa regione, a sa Regione Sardinia – puru collocada dae s'Ordinàntzia de su Ministru de sa Salute de su 28 de freàrgiu de su 2021 e a pustis cunfirmada in zona “bianca” – s'ghint a si aplicare sas mesuras segundu su Capu III de su DPCM de su 2 de martzu de su 2021 (Mesuras de cuntenimentu de su contàgiu chi si àplicant in Zona groga) relativas a sa suspensione o a sa proibizione de esertitziu de sas atividades in cue disciplinadas, fata etzetzione pro sa disciplina ispetzifica disposta dae s'ordinàntzia presente puru in matèria de trasportos, istitutziones iscolàsticas e istruzionis superiore ogetu de ordinàntzia distinta;
- ART.5) Pro totu cantu non disciplinadu a manera espressa dae s'Ordinàntzia presente si faghet rinviiu espressu a su DPCM de su 2 de martzu de su 2021 e allegados relativos.
- ART.6) Sas atividades dispostas dae s'Ordinàntzia presente ant a èssere aviadas a fàghere data dae su 16 de martzu de su 2021 e finas a su 6 de aprile de su 2021.
- ART.7) In ubbièntzia a su printzipiu de collaboratzione leale tra sas Istitutziones, est rechestu a sos ufizios territoriales cumpetentes de su Governu de chèrrere dispònneru ogni afortiamentu cunsentidu de sa presèntzia e de sos controllos de sas fortzas de s'òrdine presentes in su territòriu regionale pro garantire sa vigilàntzia màssima subra de su respetu de sas prescritziones segundu s'ordinàntzia presente e de sas ulteriores normas vigentes in matèria pro su cuntenimentu de s'isparghidura epidemiològica de su virus.

Mancari chi su fatu non costituat reatu prus grave, sa no osservàntzia de sos òbligos segundu s'ordinàntzia presente est sanzionada comente pro lege (art. 2 de su D.L. 33 de su 16 de maju de su 2020 mudadu, cun modificatziones, in sa Lege de su 14 de trìulas de su 2020, n.74).

S'ordinàntzia presente benit trasmitida, segundu sas cumpetèntzias respetivas, a su Presidente de su Consìgiu de sos Ministros, a su Ministru de sa Salute, a sos Amministradores de sas





REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Provìntzias de su territòriu regionale, a su Sindigu metropolitanu de Casteddu, a sos Sìndigos de sos Comunes de sa Sardigna, a su Corpus Forestale e de Vigilàntzia Ambientale, a sos Prefetos de sos Ufìtzios territoriales de Governu de sa Sardigna, a sos Assessoros regionales, e a sos àteros sugetos interessados.

Contra a s'ordinàntzia presente est ammitidu ricursu giurisditzionale a in antis de su Tribunale Amministrativu Regionale in su tèrmine de sessanta dies dae sa comunicatzione, ossiàt istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN SOLINAS  
REGIONE AUTÒNOMA  
DE SA SARDIGNA -  
SISTEMA REGIONE  
15.03.2021 21:24:51  
UTC

Traduzione de s'operadora de s'isportellu linguìsticu de Pàdria

Maria Leonarda Correddu